

四庫全書

集部

欽定四庫全書

集部

粵西詩載卷十八

詳校官庶吉士臣瑚圖禮

主事銜臣徐以坤覆勘

總校官庶吉士臣朱鈐

校對官庶吉士臣吳裕德

謄錄監生臣何茹連

欽定四庫全書

粵西詩載卷十八

桂林府通判汪森編

七言律

送國子丘君之柳城

康大和

卽君文雅擅騷壇，剩有新詩卷裏看。  
曉日橋門辭講席，春風綵鷁動江干。  
花明桂嶺蠻烟淨，柳簇山城劒氣寒。  
莫道炎方非樂土，絃歌行見遠人安。

送呼益齋遷廣右都督

黃宗器

聖主深勞南顧衷殷勤推轂屬元戎閩疆久擬留充國  
粵嶠新傳拜令公劒起延津光射斗旌搖桂壁氣凌虹  
行看籌略威名重麟閣新題第一功

梧鎮寄謝周諫議

張瀚

淮甸兵戈暫解符銅魚再綰鎮蒼梧王師未報滄溟捷  
郡國空聞憔悴蘇老去青雲驚幻夢憂添白髮愧訐謨  
久拚初服調猿鶴猶自戎衣聽鷓鴣

遊玄風圃見梅花

王宗沐

名園久惜賞心違，忽漫梅開已半飛。  
時序暗傳天外信，物華頻換客中衣。  
雪移疎影臨丹洞，月伴香魂引素妃。  
寄語東風吹莫盡，為留孤萼占春暉。

桂江舟泛贈送潘汝信姜重明袁期躍三友

粵臺分席待談經，底事思家速去程。  
歲晚不堪人遠別，江空況有雁歸聲。  
暮雲簫鼓移湘岸，驛路烟花媚楚城。  
萬里一尊相念處，功名應未盡書生。

藤江舟中

東征長路戀春暉  
簫鼓乘潮歷野扉  
山月似隨孤客棹  
江雲長護釣魚磯  
朋遊到處多分散  
邊信無時有是非  
萬里未須悲壯志  
一官還自惜名微

客行音信不聞家  
獨向孤舟度歲華  
近水烟光分岸柳  
隔村燈火雜江花  
榜人夜語驚灘險  
估客朝行狎浪賒  
滿眼風波堪係念  
更教吹笛傍天涯

送龔中峰改任懷集

何御

仙令乘雲謁紫墀雙鳬何事復南蜚  
逶迤荒郭逢春暖  
寂寞山城見吏稀  
水淺集溪龍立處  
風恬桂嶺雁歸時  
部臣倘問臨江政  
獨有甘棠繫去思

送林西野之任思恩

秋風燕甸惜離羈  
楊柳蕭蕭河上筵  
雨露竟非偏嶺表  
雁鴻何事滯雲邊  
征亭草色連芳渡  
落日蟬聲帶遠烟  
兩地重牽湖海思  
近人明月更淒然

送黃知事之廣西

新秋江上客帆輕把袂憐君獨遠行此去蠻邦堪託迹  
向來鄉國正論兵蒼梧雲樹依官舍百粵烟波問水程  
幙下如君能有幾舊家簪紱共知名

梧州沙竹村總制半洲公餞別次韻

林應亮

杪秋風日瘴江開畫舫絃歌雜沓來萬里銜恩歡入幕  
雙旌追餞惜離杯楓宸夢戀清班隔梓里春迎使節迴  
知報徵書來早晚還移司馬坐中臺



送王侍御按廣西

董份

天朝草奏有才名，白簡臺端氣象生。  
雪霽曉山迎攬轡，冰開春水待揚舲。  
南荒驛候通千里，西粵威聲振百城。  
問俗若過銅柱界，按行時訊伏波營。

送陳太守擢廣西憲副之任

萬虞愷

問俗閭閻五馬嘶，使君高誼古人齊。  
甘棠春日留江畔，節鉞秋風過嶺西。  
芳草獨憐南國遠，遷鶯還憶上林啼。  
從今誰下陳蕃榻，孺子門前路欲迷。

送門人劉將軍謫居西廣

呂希周

忽覩清都劉孝威，蠻橫嚴譴思依依。  
青山瘴癘天疑別，落日蕭條鳥獨飛。  
萬里孤臣看玉匣，南中北望泣金微。  
元戎未報收交趾，好仗訐籌疾解圍。

校文廣右次大司寇周公貞庵壁間韻

高秋爽氣日華東，入望清光似鏡中。  
萬馬飛騰依碧落，五雲香靄御晴風。  
天昌百粵山初合，鯢化南溟海亦空。  
月出邊城銀箭急，餘輝中夜獨羣峯。

鹿鳴宴示廣右諸生

八桂秋高宿霧收  
漓江式宴漾清流  
神魚出海從空躍  
瑞鳥鳴岐豈待蒐  
燕樂直看侔大造  
周行還擬效前脩  
欣逢韶歷升中日  
好捧光華照九州

風洞次李頻

蒼蒼深樹帶寒烟  
漠漠長川極目天  
空洞荒苔留舊迹  
夕陽孤壘見歸船  
風前落葉雲偏急  
望外層巒夜欲連  
萬里東吳秋色晚  
梅花殘臘忽更年

九日廣右張總兵邀登四仙洞列炬深入探寒泉  
沿江而上遂登龍隱崑百戲具陳落英滿盞卽  
席再次李頻

山城亭午罩輕烟滿地茱萸媚遠天仙洞寒泉通古穴  
離江歌吹振樓船龍崑閒寂垂蘿繞石齒參差細浪連  
采采金英駐仙鼎流傳冉冉漫催年

出龍江寄謝廣右諸君子

涼風颯颯龍江上淡日蕭蕭獵騎鳴老樹孤岑相對起

朱輪翠蓋不勝情  
百重雲鳥虛成陣  
萬疊蠻山正穩行  
溪水毒淫今日好  
聖朝窮谷頌昇平

宿山棗驛次壁間韻

細雨干旄來野館  
冷烟疎竹自昏朝  
郵筒落月傳鳴咽  
蟋蟀迎風伴寂寥  
暝歇曙雞蠻語近  
夢回池草故鄉遙  
興安千尺東分水  
旅骨悠悠向北銷

訓廣西鎮守傅太監

四星旁列紫宸前  
入雅時聞孟子賢  
披勃有功還裕後

管蘇多禮竟誰先  
朴中肯銜冰紃飾  
納約常存急就篇  
最愛相如爾能薦  
澠池高會至今憐

送錢承江按廣西

茅坤

五十年前我舊遊  
仍聞使節按炎州  
夸歌野戍圍山水  
繡斧雕戈擁督郵  
東望蒼梧瞻粵海  
南連象郡總兜矛  
府江戰壘今猶在  
倘賜祠田慰部酋

送玄洲沈先生出守潯州

瞿景淳

天朝聲教徧南州  
冠冕乘秋作勝遊  
路入九疑悲帝子

風浴百粵想康侯雲封白石堪留碣沙煖烏江可放舟  
官閣坐來公事簡願傳新句慰窮愁

粵西蕭伯昇少宰疏二十上求歸侍母詔許之以  
詩送之

鄒迪光

獨持冰鏡領朝紳啓事山公品絕倫二十疏中將母意  
八十里外拂衣人黃冠製就辭明主赤烏收歸號道民  
想像桃花開谷口可容劉阮問迷津

送顧太守之官桂林

袁尊尼

夕郎清望重留都五管新分竹使符帝念遠人勞出牧  
民傳良吏喜來蘇轉輸東下瀧江險控壓南間桂嶺孤  
遙憶褰帷行縣日山狂歌舞拜前驅

爲吳侍御贈廣西鍾提學

王世貞

中外臺端見表儀不煩霜面瘴烟披分來秘閣藜千點  
校後書生桂幾枝門下陳欽談左氏

蒼梧爲公屬郡

江東匡鼎

受葩詩懸知獨秀峰頭坐五嶺雲霞更屬誰

公讀中秘書爲御史

提學南  
畿故云



送陳僉事視廣西學

春風萬里鬱林西  
客有乘驄使者衣  
桂嶺雲生天欲盡  
藤江霜落瘴全稀  
詩題粵館逢梅發  
書就湘帆與雁違  
左氏諸生今受易  
看君絳帳已光輝

送顏司理之任平樂

官好那愁度嶺難  
年青不怕瘴烟干  
山逢仙吏誇丹竈  
澗向明時愧考槃  
繪閣風簾排秀入  
訟庭霜筆到春寒  
從他筋竹衫蕉好  
只作浮雲過眼看

送沈古林少參赴嶺南

周思兼

高館張筵夜已分，金杯頻勸惜離羣。  
百年悵別蘄陽路，千里追隨楚澤雲。  
桂嶺樹深何處是，驪歌聲促不堪聞。  
歲寒楊柳俱搖落，獨有甘棠可贈君。

寄懷張肖甫少參廣西

徐中行

中原一自起彈冠，南徙仍從萬里看。  
地擁銅標新岳牧，天迴金馬舊祠官。  
紫微玉樹春相媚，白雪明珠夜並寒。  
虛道四愁君更切，那無一字報琅玕。

送陳督學之廣右

曉乘驄馬出嚴城南去梅花滿驛亭  
玄草舊傳揚執戟  
蒼梧重見漢明經  
霜清瘴海千山出  
日落吟歌幾處聽  
共道炎荒文教洽  
空勞銅柱倚青冥

送方使君子及之全州

子奇早歲出為邦  
才似文彊世少雙  
明月一珠過合浦  
春風五馬到灘江  
即令臥閣堪移俗  
何必長纓始受降  
藻思況逢山水郡  
登臨時擁碧油幢

武昌聞曹有卿自粵西擢浙臬寄贈

并序

有卿自比部其先公自御史並分巡越中至今父老  
猶誦慕云

褰帷忽自九疑來憲府遙臨禹穴開銅柱至今望海嶠  
霞標依舊插天台江南盡識青驄步鄴下誰當綉虎才  
笑問吳興登峴首何如山簡習池廻

送許子峻使君赴柳州

吳國倫

嶺雲隨客度蒼梧直道無妨再剖符象郡自開秦井邑

蠻荒總列漢輿圖一樽解纜兵聲劇萬里懷人海月孤  
報國此身君獨健勿云遷謫是窮途

寄全州呂先生

雪盡天空一雁呼片雲何處是蒼梧湖南風雨談經過  
嶺外兵戈入夢孤老大未窺楊史宅衣冠殊忝鄭公徒  
惟應鉛鉅潭前月萬里懸看傍玉壺

寄懷張肖甫參議時自滇南赴粵西

中原遷客一時收不道還同萬里流金馬已聞歸漢使

青門何意老秦侯十年兵火居難卜一字關山淚未休  
望望蒼梧南紀盡白雲先入故人愁

送王參軍之橫州

宗臣

中原落日怨離羣萬里關山路又分亂後誰為驃騎使  
征南吾憶伏波軍湘妃斑竹行秋雨帝者蒼梧起暮雲  
銅柱高標猶在眼好將勲業荅明君

送朱明府仲開謫平樂教授

謝榛

黃鳥鳴時別禁園宦情南去復誰論鄭虔此日聊詩句

陶令何年共酒樽  
秋到百蠻思北雁  
雲迷三楚望中原  
滄江寂寞芙蓉老  
官舍長歌獨閉門

送莫尉還桂林

魏 裳

把酒都亭暝色催  
翩翩劍騎出城隈  
薄遊堪羨神仙尉  
多難應憐幕府材  
道路窮時聊免哭  
田園荒盡且歸來  
書空往事何須問  
懷抱還依桂樹開

謁伏波祠

張佳胤

樓船東繫大江村  
敬弔先生廟貌尊  
豈是中原無薏苡

遂留遺恨在乾坤殊方事業標孤柱異代心思此一樽  
虛擬封侯來絕域漢家今已閉關門

世宗久絕  
安南貢使

閱武

承平不講六韜文教士春原盡日曛營勢總然成虎豹  
陣圖曾否象風雲關山鎖鑰孤城重天地華夸一郡分  
莫道南方難用武斯民舊號伏波軍

遊白雲精舍懷董幼海年丈

青山東峙大江圍遷客遺居傍翠微倒聽泉聲品畔落



西來霞氣洞中飛，誅茆祇解談高致。  
折檻誰憐履禍機，前席生還今不賤。  
遐荒儻記白雲扉，公時召還為太僕少卿

遊思陵山

雨後春明野望開，旌旗同上最高臺。  
千山指點華胥界，二水遙從左右來。  
戰伐當年俱寇壘，太平今日共尊壘。  
流連豈是耽丘壑，懷古應憐制粵才。

閱視南寧城

炎郊春望白雲浮，指顧提封一瞬秋。  
睥睨青依千嶂出，

樓臺聲遠二江流當時銅柱留遺事此日旌旗豈漫遊  
敢告邊關司牧者西南輕重本邕州

行部南寧風氣明麗喜而賦之

浮雲東去接崑崙雨過春明水竹村馬上稱心無瘴癘  
粵南此地自乾坤金城迤邐雙流抱銅柱崔嵬萬古尊  
數載炎荒經歷盡宦情吾擬在中原

贈陳舊溪任全州

黃綬從來重典籤瀟湘雲盡望中淹夸方久已供王稅

吳下猶聞拔孝廉  
溪洞南來勾漏近  
鷓鴣啼處荔枝甜  
知君抱有匡時略  
好把青萍試手拈

伏波廟作

方弘靜

徑仄峰盤積石遙  
伏波祠宇儼層霄  
雲臺自惜當時像  
銅柱猶存萬里標  
馬革不辭捐絕徼  
驪珠寧復穢征輶  
據鞍已近懸車日  
何事雄心未可消

嶺右張使君闢園城中臺榭池沼皆桂林勝絕處

予聞竊嚮往焉賦得霽虹橋

胡應麟

淶水微茫漲碧空佳期誰向大堤同  
冰輪兩岸飛明月玉柱三天駕彩虹  
殿閣半浮朱舫外笙簫時出畫闌東  
宜人最是新秋色十里芙蓉一夜風

送司封黎郎中惟和出參廣西政 歐楨伯

鳳城芳草散鳴珂橫笛誰堪馬上歌  
荆楚曉烟飛越雋湘灘秋色入牂牁  
省郎劒氣雲霄遠詞客江潭岳牧多  
玉節明年應召趣咸陽西上莫蹉跎

送袁左州

西下陀陵竹馬懽虎符何日出長安登樓山月諸蠻伏  
吹劒邊風萬騎寒鬱水星搖秦使節蒼梧雲傍漢臣冠  
明年羽獵誇闕客歸賦長楊雪未殘

胡金峰巡察西粵詩以贈之

汪道昆

故鄉風雨釀春寒絕域寧辭行路難白簡兩都持國是  
蒼梧千里辟神奸不愁驛使音書少為報蠻方節制寬  
握手看君頭未白十年一著惠文冠

密雲送侯郎中出守思恩

膏車伐鼓下漁陽邊馬翩翩五驕驍自是軍儲須汲黯  
誰憐郎署老馮唐九重春色從新主千里炎風接故鄉  
試聽塞門橫笛好武陵一曲引杯長

滕王閣送謝與槐廣西督學

許穀

詞臣西去暫停驂高閣銜杯落照含十載官階同內外  
一時賓主屬東南三湘舟楫逢秋雨八桂風烟擁夕嵐  
莫道校文勞侍從卽看宣詔過江潭

遊湘寺

舒應龍

空王臺殿絕囂氛，玉盞燈明正夜分。  
山徑猿啼初上月，石牀僧定恰歸雲。  
現前幻影空中色，象外真詮靜裏聞。  
漏盡蓮花心似水，惟餘香霧日氤氲。

武林送章僉憲之廣西

陳鶴

憲節翩翩向法臺，遐荒萬里瘴烟開。  
聖王化久文身盡，粵服人和白雉來。  
膏嶺日寒風似雪，牂牁雨過水如苔。  
斷腸極目他鄉外，簪珮何年返上台。

送徐華源太守赴太平

陳鏊

送客都亭歲有常送君今日意偏長甘棠未斬先人澤

乃祖復齋  
公曾守蘇

奕葉重瞻繼世光冰蘖十年碑在口恩波七

邑淚霑裳扳轅盡欲執鞭去萬里蒼梧恨未遑

蒼梧舟中

陳奎

海墅烟消春日晴舞揚風送木蘭輕官間不廢看山屐  
時亂應多擊楫情天上俄驚玄鳥訊塵中苦憶白鷗盟  
客卿又作桄榔夢未信江湖好避名

贈呼益齋移鎮粵西



少年秉鉞早登壇  
刁斗營門夜不譴  
陣擁黃雲魚鳥肅  
劍懸秋水斗牛寒  
幕中借箸頻前席  
馬上談詩每據鞍  
才大屢膺分閫寄  
馳驅知不厭多艱

海上鯨波久不揚  
將軍節鉞指西疆  
旌旗半掩三江日  
組練俄生六月霜  
破敵威名雄李廣  
用兵神武逼汾陽  
拊髀正切臨軒想  
願策殊勲答聖王

桂林諸葛亭

黃芳

四山繚繞鬱孤亭  
亭上風烟白晝冥  
世亂英雄扶漢鼎

功成干羽在虞庭師興渭上人歸義星殞營中地失靈  
我欲渡瀘追遠略却慚雙鬢已星星

贈柳州融庠甘思學

諶道行

春秋世故久磨礱月旦評高一鑑空輔弼位虛需俊傑  
經綸功就屬英雄粵西山水神靈萃斗北文章汗棟充  
戎幕遠臨臻永孝大都談笑覩人龍

送朱參將先赴西粵

沈明臣

將軍何事未封侯百戰名隨大海流馬上短衣擎鵲印

花邊緩帶訪龍丘三湘地濕蒼梧雨萬里天長八桂秋  
幕下幾人工嘯咏不妨同作庾公游

殷中丞平廣西

密箐如天峭壁孤大藤峽斷走狂奴懸知上帝收槃瓠  
遂有王師滅短狐萬里風烟開八桂九天日月照蒼梧  
功成肘挂黃金印御史中丞漢大夫

送鄭太守刺永寧州

春風萬里欲何之馬首西臨百粵時八桂乍聞收瘴癘

蒼梧須自罷熊羆  
新人采藥披山去  
蠻戶輸賓下箐遲  
太守今來持漢法  
定如日月照邊陲

送高象南太守赴慶遠

五馬翩翩萬里行  
蒼梧雲影逐帆輕  
數家蠻井依山驛  
到處郵籤報水程  
八桂月明天共遠  
九疑秋盡鴈無情  
郡中開閣延高士  
豈翫花邊幾送迎

送范東明參政廣右

朱拱植

幾年傾蓋荷相知  
忽漫蒼梧是遠離  
祖席未禁炎月夜

維舟况值暮雲時九闕  
旌節多遺愛列郡謳歌總去思  
何地懷君最惆悵秋深藤閣鴈來遲

贈左生歸廣西

夏茂

江上芙蓉笑語新洞庭秋盡鴈來頻誰將風月延嘉客  
漫有聲聞到野人桂嶺山高雲樹淨章臺天遠夢魂親  
故人已領銅符重千里棠陰屬去程

送盧起溟之馬平

董嗣成

分符萬里到要荒孤劒千山去路長象郡總歸周職貢

鮫人今識漢文章雲開絕磴通南海花裏新詩滿夜郎  
聞道嶺梅春萬樹北來莫惜贈行裝

送向郡博移官粵西

錢希言

廣陵文學似君賢三載移官尚舊轡俸薄不堪供買鶴  
堂空祇自歎懸鱣八荒象郡青山外五月猿聲絳帳前  
何用他年尋樂去此行勾漏即神仙

送袁廣文擢臨桂令

講帳初高秉鐸名分符又向始安城地臨八桂山嵐碧

路入三湘水色清  
官閣燕飛占雨至  
訟堂人散見雲生  
此行即是神仙令  
莫道丹砂不可成

送江地官伯馨出守太平

陳有守

萬里炎荒銅柱標  
千年北拱玉宸遙  
虎符熊軾開蠻府  
畫戟朱旛下聖朝  
儲計久知稱相國  
折衝應不羨驃姚  
日南從此流聲教  
早奏謳歌入舜韶

送沈太守之潯州

已怪秋風感客心  
天涯送別轉難禁  
十年荏苒余留薊

萬里翱翔爾向尋世路何須嗔按劍人情相見說遺金  
驪駒明發君應遠伐木詩成祇自吟

因莫與京還家便東及章使君柳州幕府之作

莫叔明

使君別去重傷情綠酒紅亭復送行染翰欲成鄉國句  
愁心何處柳州城藤陰洞古雲中黑月色峰高浪裏明  
却笑著書終日者閉門花縣歎浮生

送桂林吳博士移官全州

陸之箕



吳江雪後動行舟詔許移官故國游歲晚青羶還速別  
天寒芳草總新愁人從梅嶺山邊去雲在湘潭水外浮  
却喜龍門元近洛誰嗟李廣不封侯

風洞小集

陳暹

窈窕山林不出城尋岩載酒叩嵒扃  
溪橋飛蓋雲移影山寺鳴鐘谷應聲  
雨後梅腴枝並亞風前柳偃葉隨輕  
塵埃不著登臨道一月還應幾度行

送李渠波二尹歸柳州

高世彥

巴山蒼蒼江水長送君春棹下沅湘  
夢殘蕉鹿浮名定老伴沙鷗逸興狂  
仙李孤根先有自芳蘭多嗣後稱良  
乞身歸隱情偏裕宦海何人問去航

遊獅子嵒

李承節

石洞空明勢崑然蓬壺誰識在蠻烟  
循行偶藉黃堂暇追賞真叨錦轡聯  
絕點風塵疑幻境放懷觴咏愧忘年  
興衰飛鳥凌千仞覩盡南荒萬里天

湘山寺

胡宗明

捫蘿躡蹻蹬破蒼苔亭外奇峰面面開已見千年人不朽  
却疑何處石飛來孤雲岫近平臨塔三水江分曲抱臺  
繾綣憐君交誼重湘城落日尚傳杯

題飛雲山

李杰

天長地久石留痕蹤迹如何認得真歲月敢逃康節數  
淵玄誰踏赤松雲青山作樣傳千古金谷留春好十分  
悟到也知天在我化機留動百年身

雙角橫嵐

生成伯仲兩高峰不與羣山歷亂同  
仙骨蛻神恬異夢瑞烟拖練護香風  
吹殘牧笛吟初放坐爛樵柯奕未終  
我獨樂山心最切百年何事此竒逢

道鄉書院舊碑并序

李圭

嘉靖丁未歲于道中得井欄一面滌其泥穢有字漸  
露乃斷碑也遂徧求之更得數片惜不能成章乃為  
置之學宮

道鄉書院久銷沈誰憶殘碑此日尋  
天為忠賢留聖跡

人于夢寐感知音貞珉肯逐風霜變妙畫原非鬼物侵  
讀罷益增今昔感斗山應借重儒林

邕州感懷

李 汛

莫唱當年苦李吟偏留此味到如今五花洲外雙愁鬢  
百粵天南萬里心何必對人論曲直自難與世共浮沉  
紛紛從此遙相謝歸去黃山不可尋

舟泊府江卽事

林懋舉

樓船夜泊府江湄宵柝紛紛鼓角悲螺髻山青棲鳥絕

馬灘風急榜人疑追隨旅客憐蓬斷多少微官泣路岐  
寄語諸蠻休浪喜王師早晚慰雲霓

送邵太守赴養利

胡思忠

乾坤五馬一麾遙渚艸汀花共寂寥旌節曉看衝朔霧  
樓船秋喜泛江潮萬家烟火蠻夸靖千里風霜瘴癘銷  
知爾此身堪報主豈因岐路歎蓬飄

送邵象峯先生赴河池

先生前  
守珠厓

趙大佑

千山送別海雲長五馬猶然舊服章祇為恩光均率土

翻疑蹤迹慣投荒遠遊路遶湘君竹遺愛花新召伯棠  
消息願言隨處好本來清白重吾鄉

贈藩伯砥齋朱年丈之任廣右

鹿鳴回首清秋裏二紀相看又一年幾度京華同日月  
那堪嶺嶠各風煙蒼梧萬里行程迥綠柳千條別緒牽  
若見伏波銅柱在交人猶界漢山川

贈西崑徐節推之柳州

黃廷用

昨捧除書下建章尊前萬里別情長龍城山水皆皇土

象郡烟霞近楚疆  
嶽院晝間巢野雀  
畫堂人靜對斜陽  
也知聖主掄才日  
不似宗元滯一鄉

送少府貶柳州

陳贄

憐君謫宦向邊庭  
對酒愁聞歌吹聲  
落日茫茫鄉思遠  
滄江渺渺客帆輕  
楚猿嘯月過衡嶺  
越鳥啼烟傍柳城  
賈傅投械弔湘水  
至今流恨未能平

登柳州城樓寄漳汀封連四州

一上層樓望八荒  
鳥牽愁思入蒼茫  
西風邏騎巡蠻徼



落日啼鴉在女牆  
瘴雨來時淒客況  
夸歌起處斷人腸  
遙憐彼此俱遷謫  
試問何年歸故鄉

送饒平學諭謝原仁校文還任時余監試同事又  
連舟至蒼梧故及之  
陳 垚

灘江南下接梧州  
兩岸青山李郭舟  
木落風高鷗鳥喚  
江空夜靜月輪浮  
殘牙尚憶紅綾餅  
寒色初侵紫綺裘  
明發驛樓情未盡  
一樽臨別更綢繆

宿蘇橋驛

驄馬行行歲事闌  
驛樓遙指暮雲間  
清江一曲門臨水  
碧樹千章屋傍山  
村巷幾家經寇破  
林鴉數點覓巢還  
何當為掃烟塵靜  
處處柴門夜不關

暢巖懷古

熊夢祥

玉削芙蓉插碧蒼  
二程曾此寄脩藏  
書聲雲鎖猶遺響  
墨迹苔封尚有香  
吾道幸存留正脉  
斯文不沒遍遐方  
閒來仰止高山在  
極目長天憶洛陽

舜帝廟

劉欽順

隱隱蒼梧映郭門  
滔滔江水抱山根  
羣峰獨捧重華廟  
大地誰云五嶽尊  
雲暗九疑迷葬地  
月明孤竹見啼痕  
長將澗藻修寅祀  
願就琴薰與德溫

橫州報恩寺

吳時來

為借殘僧舊草氊  
茶壺酒榼一蕭然  
霜清寺徑鳴黃葉  
日午村林生翠烟  
高士菊開三徑裏  
將軍樹老碧山前  
不須遠訪恒沙外  
當眼三尊亦老禪

又訪玄關上北禪  
疎鐘自在翠微邊  
臨風獨憶鴻音遠

飲露俄驚夢鶴年草廛人來雙葉下松扉雲去一僧眠  
與君何必誇黃鶴忽漫真成半日仙

謁少游廟

萬端誰辨是和非三黨鑄成元祐碑吾道豈無能此輩  
他鄉猶幸見荒祠佛書汗漫憑人語實錄增添敢自私  
却笑醉鄉偏廣大至今猶誦海棠詞

興安渡萬里橋去京師萬里

董傳策

憶昨含香侍聖朝風烟回首隔迢遙客游忽到三江峽

世路今過萬里橋  
籠內乾坤人獨醒  
舟中日月賦堪消  
戍樓那更炎荒遠  
橫笛秋天爽氣飄

興安斗夜泊

湍斗煙嵐海岳愁  
江天曙色苦淹留  
關開虎豹秋生棘  
雲閃旌旗客倦游  
隔岸夸獠喧夾谷  
四山風雨到孤舟  
十年獻賦今戎伍  
尚有丹心照敵樓

游七星崑崙下有洞甚奇

七星崑崙煙霄起  
簪帶亭懸暝嶠開  
石徑忽看盤窈窕

篝燈初入度縈迴神工斧出金天界仙乳溶成玉露臺  
物象宛然真詭境龍潭一躍見三台

游隱山六洞

衆峰合沓撐嶙峋六洞迂折蟠江濱逸夫稅駕留此境  
桂樹摩霄知幾春峭壁劃開壯士劒幽崖挂出仙人巾  
塵寰倘不涉萬里安得壯觀凌穹辰

伏波崑有試劒石跨還珠洞

烟崖削壁落青蒼洞口江濤泊大荒疑有神來揮玉斧

却看懸處插牙璋  
伏波不辨明珠載  
劒石誰憐干將光  
錯把疑珍惱明主  
丹心只合照橫岡

灘江

遠遊苦憶灘江險  
今到灘江冒險看  
萬疊波濤春石齒  
千盤豺虎嘯瀧灘  
霧迷峭壁飛鳶細  
雲斷荒椒落日寒  
傳語靈胥休怕客  
孤臣元仗赤心安

渡烏蠻灘

巨峽奔騰倒石根  
嘯猿啼鳥失山村  
飛湍欲躍雙蛟出

疊壑俄驚萬馬掀江客孤航風夾浪篙師十月汗翻盆  
明時漫復愁荒徼夸險從知吾道存

伏波祠三首祠在烏蠻灘上

祠宇俄然鎮水漪勲名千載亦乘時驚濤似鬪蒼龍劍  
疊浪翻疑赤羽旗絕塞秋風吹畫角荒山榕木老炎枝  
壯游那更逾江峽悵望烽烟有所思

矍鑠猶傳定遠謨白頭心事半馳驅瀧江飄撥投鞭斷  
島嶼依微發嘯孤志託風雲堪躍馬身依日月尚還珠



百年論定君何在庭木蕭蕭客自呼

英主規恢開遠績丈人韜略見雄才却看銅柱標南極  
似有龍光燭上台江上烟波秋駐馬吟邊遷客畫登臺  
明時未報銷金甲山鳥林猿更可哀

過橫上下諸灘

苦竹黃泥矜噴壑鼠牙磨角溜迴湍銜恩不計夸方險  
報主誰言行路難落日玄猿啼暝嶠戍樓清角下寒灘  
側身萬里瞻雲漢江鳥山花總自看

近戍

鬱江盤折注炎壤，邕管蒼涼樹藝荒。  
村女趁虛簪茉莉，市檐包箬載檳榔。  
日消池霧萋沾碧，風撥山雲袖染黃。  
達舍彎弧空好在，偏驚騶騎析聲長。

夏日敷文書院

虛堂夏日敞幽襟，坐看凌霄雙杏林。  
長鋏不堪頻倚賦，多才何意復投簪。  
風翻雲樹天花落，雨拂烟霞艸色侵。  
清世壯游誰比竊，敷文今已愧傳心。

東泉書院姚公祠

江海英聲早擅奇，縣符振鐸亦乘時。  
兩朝鎮篆推經略，八桂夸封仗保釐。  
狂寇漫驚雲鳥陣，孽奴終煽羽干儀。  
瞻承廟貌空懷古，炎徼烽烟倚阿誰。

與吳惟修登鉢山限韻口占

曙色依微海霧昏，千盤蘿磴疊孤村。  
雲屯樹影漁磯斷，風散嵒烟鳥羽翻。  
玩世自應瞻佛日，耽遊誰解問真源。  
登臨況有同盟者，今古深沉漫復論。

出遊閱武營赴胡經幕之宴

高秋霧氣襲江城客騎駢駢閱武營  
絲竹聲翻今古興  
牧樵人動水雲情  
挽強喜識嫖姚武  
落指疑傳中散清  
我亦追游剩詩興  
歸來風月倍光明

送梁生還賓州因訊梁博士

炎徼風塵障赤沙  
太玄誰擬授侯芭  
葛巾漉酒真堪共  
華髮論文枉自嗟  
雲暗池塘生夢草  
春深烟雨落梅花  
上林定訪梁丘易  
詞賦還應疊絳紗

海棠書院弔秦少游

烽烟淮海鬱迢迢，千古書堂鎖寂寥。  
炎徼自傷流寓客，清江猶跨海棠橋。  
春深花鳥梅風細，秋老山川瘴氣高。  
憶爾佛書真汗漫，醉鄉天地只飄蕭。

游崆峒山同惟修

孤崑崙崑崙團清瘴，七洞依然見化工。  
似有鯨魚來鑿窟，即看風磴坐凌空。  
盤旋直敞青蛟窟，夾疊橫開白雀宮。  
高眺忽摩仙掌出，天門霞氣欲成虹。

羅山紀遊限韻

藍輿迢遞躡雲林  
碧落霏微散午陰  
蘿竇拂衣開鳥道  
松風披雨動龍吟  
丹崖青壁寰中景  
竹杖芒鞋物外心  
烟竈不堪迷古剎  
誰憑山谷問升沉

炎岡岑鬱俯塵寰  
梵宇松青羅秀山  
怪我好遊頻對景  
憑人濟勝一開顏  
雲飛石棧千峰裏  
風散林烟萬壑間  
懷古却看迷望處  
遙憐銅柱聳南蠻

雨餘烟翠濕空林  
萬樹扶疎斷夕陰  
野曠居人迷豹迹

風高遊子亂猿吟  
上方寥廓摩鍾蟲  
下界微茫辯佛心  
歸路恍疑光霽在  
相看天際月沉沉

登青山絕頂

石壁摩霄古寺橫  
嶺雲裊裊樹烟平  
層巒野合天無際  
松塢春深鳥有聲  
江帶數峰朝翼軫  
山連百雉斷滄溟  
振衣陡覺凌蒼莽  
長嘯還驚阮步兵

半山嵒晚眺同霽川立卿

又涉山腰二妙同  
烟霞縹緲散晴空  
江流活活浮雲外

漁網恢恢落照中故國年華消客夢殊方物色動春風  
坐來雙眼波光合何處征人隔燕鴻

夏集快活園

雲亭卜築傍江寰面面清流挹遠山拂檻松風春滿坐  
宜人竹葉午薰顏邵園瓜熟青門外蔣徑苔生綠野間  
暑氣已看消習靜林端惟聽鳥綿蠻

閏月重午郭華溪郡守招客同遊青山是日為余構亭  
炎景載標縣父序清遊乍起築山盟笙歌坐轉雲崑出



冠蓋行隨竹馬迎，亭敞石泉天外清。  
落峰盤林洞日邊生，芳華喜沐棠陰在。  
漫指幽人戀赤城。

猺寇夜劫宣化庫

秋高明月斷笳聲，猺寇無端薄漢臣。  
戈突四郊人闔壘，梯衝千雉夜吹笙。  
鐵衣未奮鷹鷂氣，玉帳堪籌樽俎兵。  
怪我羈棲無可效，請纓空羨棄繻生。

雙龍洞天為陸山人

雙龍山下龍欲飛，仙人騎龍何處歸。  
龍搖天上生江水。

人在雲中開石扉雲白山青有真宰花開木落無停機  
迴看瀛海靈光合萬竅依然聲正希

蒼梧花

并序

蒼梧卽刺桐花異物志云嶺南多此物因以名郡升  
菴楊太史有刺桐花行謂惟嶺南及滇中有之然觀  
唐劉昌言下第詩云惟有夜來蝴蝶夢翩翩飛入刺  
桐花昌言泉州人豈閩中徃亦有之抑泉固嶺南境  
耶今潯邑一帶最繁人家至插籬落每春夏之交始

開臨水作淺紅色夾之粉痕千林競放殊妍致可愛  
炎靄迎嵐溪水潺蒼梧花發破林慳絳痕啄出鸚哥色  
粉撲翻成蝴蝶斑巧自芳菲醺碧落妍誰婀娜鬪朱顏  
風流太史滇中賦嶺表慚予語作蠻

九日同何子登最高臺

重陽又上最高臺游子他鄉幾度來萬里未逢秋菊放  
一尊聊對午雲開青峰陣裏孤亭矗白鷺洲前二水迴  
漫倚西風懷百感故人今日暫追陪

和平粵寇詩奉答張督院見寄

征南雄伐寇氛蠲聖主垂衣紫極躔推轂好憑文武憲  
拊髀應略牧頗賢捷馳西粵拋營甲馘獻三秋淨海烟  
重鎮尚煩經制在却需麟閣論功年

橫池波晏將韜弓玉節遙驅萬里風勲築京觀膺簡重  
師殲渠帥決機雄廟謨自際中朝穆閫略誰籌外徼窮  
宵旰至尊圖永泰金甌應仗保障功

最高臺同幼海諸公

張貫

建武崇臺舊馘蠻臺荒今羨此臺攀星河東注盤邕水  
雲檄南憑指號山五嶺瘴消樽俎際四雄寇靖鼓鼙間  
時會潮四如流筆翰還賓從信有名公日日閒  
巨寇就擒

題伏波祠

方瑜

彩鷁翩翩入境時便將牲幣謁公祠樓船萬里衝炎海  
銅柱千年伏遠夸江雨灘聲秋正洶亭烟竹色晚相宜  
平生志業憑誰語慷慨英雄亦我師

最高臺同幼海諸公

城上層臺控百蠻，清秋樽俎得相攀。  
兩江形勢疑無地，何處登臨別有山。  
銅柱影含烟霧裏，崑崙功奏笑談間。  
丈夫意氣高如許，暢飲何妨半日閒。

董泉亭

徐浦

青山山上董泉亭，為有高人築始成。  
直節漫誇羣嶽並，流風長共此泉清。  
塵纓濯處銷凡慮，杖屨看來豁吏情。  
好事盡饒君做去，登臨深媿逐虛名。

贈胡泰六撫臺轉任兩廣

許樂善

金章玉節賜神京帝命星軺嶺外行豈為殊方勞閫鉞  
只因粵島慕威名五羊令布前茅遠八桂旗開細柳晴  
父老攀車瞻戴切袞衣肯再蒞江城

張侍御出守梧州

李維楨

南牀雄劇雜端公領郡威儀自不同辟路乘驄增五馬  
屬車懸豹畫雙熊事傳家世青箱後名在朝堂白筆中  
為借風霜秋憲府澄清瘴癘八蠻通

天開五嶺綰蒼梧郡將專城佩虎符銅鼓匏笙分部曲

柳漿桂蠹出行厨金留道士乘舟石砂長仙翁鍊藥爐  
聞道容江春色好綠波渾似掌中珠

送黃侍御按廣西

韓世能

憲節遙臨海徼偏使君名自鳳池傳神羊威震炎荒地  
驄馬寒嘶瘴癘天八桂霜華搖繡斧百蠻秋色護樓船  
預知按部澄清日白簡長依白日懸

桂林諸葛亭

盧仲佃

碧草黃鸝訪武侯扶搖直上白雲頭當年魚水君臣重



此日蘋蘩天地悠把酒風中宗像肅放歌月下客心秋  
歸來只覺塵如洗人在瑤臺十二樓

象鼻山

龍從天象出雲端占住人間活水灘飽吸清風高捲鼻  
橫拖明月懶歸闌空中體格三更白物外烟霞六月寒  
坐久洞中塵世隔冰壺玉宇意中看

風洞

誰劈崆峒作大觀洞中風起四時寒開圖月下尋漁叔

著屐山中問謝安  
雙眼獨看山島外  
一樽共泛五雲端  
時清官散無多事  
出入先天閒弄丸

花石洞

蔣三近

子丑爐傳幻此竅  
平原突起更奇哉  
雞鳴犬吠人間世  
白珣蒼珉劫代灰  
龍耳有珠何處覓  
羊髯摘棗遇門開  
不勞泛海求蓬島  
驅馬神仙洞裏來

平古田詩

俞大猷

相逢盡問事何如  
我亦九夸一度居  
此日但能行篤敬

他時可使尸詩書柔非剛克功常罔恩用威施化有餘  
開闢千年今再見却疑天地果無初

送林比部榕門先生典試西粵 潘緯

萬樹蟬聲驛路長北山朝雨送新涼  
螭頭暫綴明光草雞舌猶携漢署香  
四牡隨雲過五嶺一帆帶月度三湘  
西人定識求賢意遠借仙郎出帝鄉

娥英崑 張禎

娥英勝概擅南州縣父乘閒此一遊  
持斧氣橫五嶺外

停輪春遍百蠻頭窮荒掃電狼烟息幽谷逢陽宿霧收  
自喜追陪賢哲後放開懷抱互歌酬

贈金龍泉南征兩廣

王周

昔年捍衛事功優此日南征賴運籌三尺龍泉擎日月  
六韜虎帳震貔貅先聲已喪夸酋胆定策將遺楚國休  
奏凱歸來報明主麒麟閣上詔封侯

兒征兩廣臨行贈別四首

喜爾今朝握重兵親闡拜別亟南征襟期萬里勲名遠

琴劒一囊湖海輕  
魯仲尺書平寇亂  
子儀單騎振軍聲  
竚看談笑功成日  
奏凱歸來話太平

征鼓聲喧麗日遲  
滿堤細柳列旌旗  
符分漢闕隆推轂  
節映衡陽望撫綏  
劒氣橫空銅柱績  
文韜席卷木猴屍  
功名萬里男兒事  
莫為桑榆日暮時

萬里烽烟促戰袍  
此行休獨歎賢勞  
吳花越草迎兵甲  
海岫江峰壯節旄  
投筆仲升終樹績  
題橋司馬業偏高  
驅馳莫訝羅浮遠  
歌凱還朝稱夏曹

海寇方勤天子憂分符肘後寵光優臨行衣線非慈母  
仗節叮嚀有白頭馬足走星還蹠血龍旗耀日樹奇謀  
掀天事業男兒志題柱於今芳史留

題住仙亭

霍與瑕

山為樓閣石為臺驅馬登臨首重回野水橫舟從客渡  
好風吹雨過溪來千年峒古人空老幾日春歸花自開  
感慨有餘新月上一樽聊得二公陪

明公開府控西州伐暴招携賴壯猷八寨從風無犬吠

四山明月有啼鳩，星辰影動銀河淡。海宇涼生玉露浮，  
畫角五更吹出峒。不知何日重來游。

遊四門峒

雲上行

巨靈驅石峭為峰，石裏珠宮若磬鍾。絕頂無論天幾尺，  
結根應透地千重。幾番瞻望心逾切，此日登臨興故濃。  
獨憶昨朝來五馬，慚為地主不追從。

遊堯山玉皇閣

張鳴鳳

仙閣高鄰上帝宮，石闌攀眺出晴空。山如列宿齊朝北，

江似游龍曲向東豈羨鍊形堪馭鶴尚憐奇氣欲凌虹  
醉鄉近在吾家側不用裁書寄朔鴻

酌棲霞洞口

洞門烟景媚春晴下遶東溪水更清乍落芳桃驚浴鷺  
漸垂纖柳隱啼鶯看碑轉覺名難立對酒應知句易成  
戲折嵒花簪不定接離乘醉任敲傾

聞馮元敏轉楚參知分省鄖襄已從嶺西戒行在  
道候之全州先寄此詩

俞安期



桂林南望久，霑裳千里從之險。道長我過衡山，臨粵嶺。  
君乘湘水下，襄陽猿崖磬底藏。雲黑鳥道峰頭挂，雨蒼  
會面殊方心更急。不堪征馬日玄黃。

安刺史邀集帶湘樓飲蒼梧縹清

載筆登臨席晚移，丹樓粉堞擁參差。山連華嶺迴成宸，  
郭帶湘波引作池。白苧清歌翻調古，蒼梧名酒醉歸遲。  
風流刺史同山簡，騎馬南街倒接羅。

安刺史邀遊柳山同文李二孝廉

澗曲虛堂紫翠分坐臨山帶劇論文仙家酒饌携安上  
吏隱詩書憶柳君遠岫攢峰藏楚水清池飛石墮湘雲  
春遊何必邀童冠鹿豕千崖自可羣

楊德遷廣文同登翔鳳樓因憶方子及

郡門何處鳳凰樓萬室孤城望已低舊憶使君曾陌上  
乍逢夫子自關西連天五嶺窺窓近出峽三江到郭齊  
題字梁間生彩色驚看漲海接虹霓

吳彥卓明府邀同麻將軍廖李二廣文飲湘灘分

水處

飛鳬下鳥逐人羣  
酌酒晴開水上雲  
楚粵舟穿千石過  
湘灘江向一洲分  
操觚詞客仍憂國  
緩帶將軍亦好文  
卉服驚心滄海畔  
故園書札幾時聞

汝成王孫邀遊疊綵山晚眺遇雨

有引

崑石橫疊彩錯成  
文洞穿山背曠望  
北陸僧舍其陽樓  
峙其左獨秀孤峰  
巍然當前彤樓畫  
觀燦爛其上鶴駕  
飄颻引客先手携  
綵竹向蒼烟山南  
入洞過山北

寺後緣城遠寺前嵐氣近飛青浪濕石紋高疊綵霞鮮  
孤峰隔雨看樓閣何異仙居海上懸

陳思進中丞邀同張太僕呂京兆呂中翰遊舜山

飲南薰亭賦

翠微昔為翠華開彩旄今隨彩鷁來谷靜雲端停騎吹  
霞流天半引仙杯韶音近逐南薰入峰勢低看北斗迴  
更侍窺臨多石室秘書藏處似蘭臺

同諸府公集白參戎雅歌亭

風微旌纛戟門閒緩帶虛亭紫翠間置驛賓朋飛騎入  
搜山將校射生還檐前雨氣臨池樹牆外嵐陰隔水山  
爭謂折衝尊俎上勲名猶勝舊平蠻

黃明府邀同劉從事飲控粵樓

碧幔朱闌絕壁開登臨復喜接行杯晴雲西嶺神君下  
明月南樓從事來孔雀林梢翻錦過蒼龍水上抱珠迴  
空江入夜湍聲隱清嘯啗然滿釣臺

游思陵山

范柳

琳宇峇崑郡郭西何緣飛蓋躡丹梯風傳天籟松濤遠  
烟鎖江城樹色齊一雨喜看勤耒耜四郊欣覩靜鯨鯢  
勝遊況復同顏謝好把山靈細品題

粵西詩載卷十八